

Жрец

Ты нам рцы, кто таков вся создавый, вся
Аже имаш изрещи немедленно рцы я.

Димитрий

Бог мой есть, бог отец, бог сын, рожденны
Без матере и дух святой, тех неотлученны
Бог отец, сын, дух святой лицами троица,
Но во троицы божеством купно единица.

Жрец

От словес ти познах тя, что младоумствуеш,
Неподобные вещи семо повествуеш,
Един бог и три боги — мой ум не постигает.

Димитрий

Зане неверен еси, затем не достигает,
Да не высоких словес бисеры вергаю,
Да не топчеш ногами, прости предлагаю.
Солнце в себе три силы совершенны меет,
Во крузе содержится, греет и светлеет.
Свеща горящая такожде тресилна.
Имеет воск, огонь, имеет светилна.
Так подобне и бог мой, имея три лица.
В тех трех лицах есть то единица.

л. 22 об.

Жрец

Максимиане, тебе не помоществую,
Волшебствует бо Димитрий, аз не волшебствую,
Заградил есть ми уста своими словами,
Отпустите мя, а он да глаголет с вами.

Максимиан

И что еси за книжник, почто носиш саны,
Чрез тя все бози мои ныне поруганы.
Извержете отселе врага ми безумна,
И твоя, Димитрие, глава есть неумна.
Где того бога видел, кого считаеш
Не видевши очима, поклон воздаваеш?

Димитрий

Вижду того чрез веру умными очима,
Во иконе лобызаю устнама моима.
Отче, сыне и святой душе в троицы боже,
Твоя святая десница днесь мне да поможе.

Максимиан

Почто бога в троицы чтиши так любовно,
Вкратце ми изрещи, но неспраснославна (*непразднословно?*)

Димитрий

Бог отец созда мя, сын взят от вечной смерти,
Дух святой просвети мя даже врага стерти,